

Cartas nordic



Un serie de photos de locationes in le paisés nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2017

■ **Allinge, Danmark:** Quatro dies medio junio le parve citate Allinge sur le insula danese Bornholm, al sud de Svedia, es invadite. Normalmente il ha circa 1.500 habitantes, ora il ha 90.000. Illes veni pro participar in le Incontro Popular (“Folkemødet”), un festival politic arrangiate desde 2011 secundo le modello del successose “Almedalsveckan” (le Septimana de Almedal) in Svedia. Centos de eventos arrangiate per firmas, organisationes, syndicatos, institutiones public e partitos politic presenta un grande paletta de themas. Le idea es discuter e debatter le democratia – e gauder del belle ambiente e bon mangiar in bon compania. Tote le leaders politic, inclusive ministros, participa. Le porto de Allinge forma un ambiente idyllic e inspirante e es claudite pro trafico normal durante le evento.

Photo e texto: Thomas Breinstrup

Questiones

1. Durante quante annos ha on arrangiate le Incontro Popular sur Bornholm?

2. Qui participa in le arrangemento?

3. De ubi veniva le idea al Incontro Popular?

4. Qual colores ha le bandiera danese que on vide sur le photo?

5. Describe le photo ab le porto in Allinge.
